


直講李先生文集

一



直講李先
生文集

四部叢刊初編集部

上海商務印書館縮印
江南圖書館藏明刊本

直講李先生文集序

明昌五

孔子沒千有餘祀斯文衰微微者微也作者孟軻荀卿賈誼董仲舒揚雄獨得之徒異代相望而不能興衰揀敝者位不得而志不行也苟得位以行其志則三代之風吾知其必復嗟乎秦漢以來禮樂則不為而任刑以嚴其民將納於治適所以亂之也歷世寢久皆謂天下當如是可以致治而不治者時耳故有奮筆舌為章句卒不及於禮樂者未幾文也盱江李秦伯其有孟軻氏六君子之深心焉年少志大常憤疾斯文衰敝曰墜地已甚誰其拯之於是夙夜討論文武周公孔子之遺文舊制無明乎當世之務悉著于篇且又歎曰生處僻遐不自進孰進哉因徒步二千里入京師以文求通于天子乃舉茂材異等得召第一既而試于有司有司黜之嗚呼豈有司之過邪其秦伯之命邪或者天徒付秦伯以其文而命則否邪亦將位得志行後有時邪吾不得而知已秦伯退居之明年類其文彙第為十有二卷以寄南康祖無擇且屬為序無

擇既受之讀之暮月不休善乎文武周公孔子之遺文舊制與夫當世之務言之備矣務學君子可不景行於斯慶曆三年冬至日序

李觀秦伯以舉茂材罷歸其明年慶曆癸未秋因料所著文自冠迄效十五年得草藁二百三十三首將恐亡散姑以類辨為十二卷寓之間或應用而為未能盡無媿聞其力之勞輒不棄去至於妖淫刻錄充無用者雖傳在人口皆所弗取噫天將壽我乎所為固未足也不然斯十二卷庶可籍手見古人矣故自序云

建昌新建李泰伯祠堂記

天下之美恒興於賢明而廢於愚暗使賢明
迭繼難百世可也設不幸而值愚暗焉雖有
鉅美且廢于成況望其能興夫既廢也哉又
望其能崛然而興也哉奈何賢明者之不常
有宜乎天下之美之難成也盱江宋儒泰伯
李先生存心高古履行剛方竭力養親不求
榮達倡立盱江書院講明正學從而師之者
恒數十百人范文正公稱其講論六經辯博
明達釋然聖人之旨著書立言有孟軻楊雄
之風今草澤中未見其比并上其所業禮論
明堂定制圖序平土書易論凡二十四篇皇
祐初與余襄公交章薦為試太學助教後補
將仕郎海門簿召為太學說書而卒熙寧中
其門人尚書左丞鄧潤甫奏上其起居類蒙
皇祐續集并後集請官其子參魯為郊社齋
即其墓在鳳凰山麓維時守令同學官春秋
拜掃歲以為常不知自何時廢而不講延至
于今墳墓雖存率為草莽之區樵牧之所蹂
躪狐狸之所棲息過者千百誰復致慮幸而
邑人吏部驗封主事左君時翊過而見之慨
然興感乃疏其所以且曰臣伏觀

詔旨名臣賢士墳墓毀廢即為修治仍復近民

一人以守

恩至渥也若李觀者信非常儒尤可矜式若得

一如

詔旨封其塋域禁其樵牧立祠歲祀其於風化

不為無補疏入翼曰

下詔允之禮部定制歲一春祭祀以少牢有司
行禮如式并復守者時建昌守長樂謝侯中
仁謂事干風化首捐俸資以倡繕修塋域乃
建祠堂堂凡三楹縱廣如干尺甫踰時落成
高亢靚深堅緻完好中安神主外繚周垣墜
以嘉木別為子屋以居守者時成化戊子之
秋九月也工既訖功時翊過予請言識諸石
為永永圖於乎二三年已廢之典不有賢
明孰知其為美而興舉之且先生於世官列
其庫未久而逝徒以空言託諸文字而已既
無氣焰以凌樂人又無功德以覆冒人若未
足以為美也而賢名之垂訖今不已雖有氣
焰有功德者亦不若是烈也學問之有益於
人如此信乎君子不可以不學也時翊是舉
非特所以崇先賢亦所以儀後進俾鄉之人
景慕興起皆知績學繁行如先生雖在草澤

名猶不泯况通顯乎其於世教誠非小補若夫一塋之封一祠之作雖不能加重於先生而後學景仰之心不如是不足以遂此時翊所以為賢且明也仲仁亦克樂其美而速成之謂非賢且明不可也故并書之為來者勸慎勿并為愚暗而陳其成也詩曰風雨攸除鳥鼠攸去君子攸羊今之君子信能成其美矣又曰夙興夜寐洒掃庭內後之君子尚繼美於無窮茲時翊又嘗編輯先生詩文三十卷附錄三卷行世可謂盡心焉爾已

成化六年歲庚寅春三月下浣

朝列大夫國子祭酒

經筵官前翰林侍讀學士兼修

國史古吳陳鑑撰

禮部為陳言崇儒事於禮科抄出吏部驗封清吏司主事左贊奏伏觀天順八年正月二十二日詔書的一款各處帝王陵寢及名臣賢士墳墓有被人毀發者所在有司即時修理如舊令附近人民一丁看護免其差役其餘墳墓但有露棺暴露者悉與掩埋此

皇上仁厚之盛心曠古所無之令典也臣原籍江西建昌府南城縣人切見本縣有宋太學說書本觀墓在鳳凰山麓祝穆方輿勝覽紀觀無子孫每歲春秋守貳同學官拜掃以為故事歷年既久不惟拜掃之典已廢而其墳墓亦為樵牧踐蹂若更數年必致毀矣臣考得李觀立心高古履行脩整竭力養親雅尚恬退倡立盱江書院講明正學訓迪生徒學者稱為泰伯先生其所著述有易論禮論共二十篇富國安民強兵策各十篇明堂定制圖序周禮致太平論皆足以羽翼聖經發明治體又有平土書二十章得井田之遺意慶曆民言三十篇論時政之得失其他文字若太學議泰州學記之類皆可矜式當時名臣范仲淹余靖交薦其賢先儒朱熹稱觀周禮論與其意合

聖朝纂脩五經大全觀所立言亦見承錄臣聞古者鄉先生沒則祭于社如觀者可謂一代之名儒後

學之師表不但如古所謂鄉先生而已今墳墓荒蕪俎豆不及臣竊惜之歎惟

國家崇儒重道以壽斯文之脉以衍太平之運如蒙准言乞

勅該部行移有司封其塋域禁約樵牧照例令附近人民一丁看護仍於墳所量立祠宇歲時致祭則於風化不為無補緣係陳言崇儒事理具本親齋具奏成化三年九月二十日該通政使司官於奉天門奏奉

聖旨該部知道欽此欽遵抄出到部看得吏部驗封清吏司主事左贊奏稱要將先儒李觀墳墓令有司封其塋域禁約樵牧照例令附近人民一丁看護仍於墳所量立祠宇歲時致祭一節緣崇祀本處名賢乃有司當為之事合行連送仰付該司類行江西布政司轉行建昌府委官督同南城縣當該官吏即將先儒李觀墳墓封其塋域令附近里老人民時加看護禁約樵牧不許侵犯違者究治仍於墓前量立一祠每年春宜從有司祭以少牢行禮如儀毋得因而科擾不便

建昌府重修李泰伯先生墓記

生而必死聖賢無異於衆人也死而不亡與天地並久日月並明其惟聖賢乎泰伯先生其亦聖賢之徒乎先生姓李氏諱觀字泰伯學通五經尤長於禮以文辭自立其言大而正郡治北有鳳凰岡先生朔書院其下學者餘千人南豐曾子固其高弟也范公仲淹余襄公靖交薦之召為太學說書卒年五十一葬鳳凰岡之麓實祐二年郡守楊鎮立興文堂以祀之開慶元年郡守曾望更其堂曰思賢右立盱江書院仍舊名也書院廢而先生之墓墟矣成化三年春長樂謝公士元來守郡夢先生對浮大白飲覺而異之翌日有白于府曰盜發先生墓矣太守具棺衾將易葬焉啓墳視之二大白宛然夢中見者夢方解於是議請祠如故事會吏部主事左公贊以請

命下立祠塋南名曰景賢賜以少牢春暮行禮歲如初又募閩石工大營塚墳壞以石為之墳中高五尺廣視高損一深

視廣倍之中麓加聖外固以石前廣若

堂燎以周垣湖西羅倫辦香謁之太守

述其夢曰先生之歿距今四百十三年

矣而精神感通有如此者蘇子曰不依

形而立不恃力而行不待生而存不隨

死而亡者其此之謂乎回視煙草中塚

累累然太守嘆曰是庸非人乎哉倫曰

何獨此也桓山之石驪山之銅庸非人

乎哉其圖身後者非不至也曾幾何時

狐兔穴其傍稚兒牧豎躑躅其中草中

累累者曾不若也方其生也柄一國之

雄擅四海之富何求而不遂哉身死而

遂不保焉何也先生以節屋寒夫初無

一命之榮尺土之富而身後之榮終乎

天地焉君子其知所擇矣太守曰夫子

之言雍門周不如也請告邦人庶有聞

先生之風者

成化八年壬辰春三月朔旦立石

賜進士及第翰林國史脩撰永豐羅倫撰

直講李先生年譜

真宗皇帝大中祥符二年己酉先生始生

祥符三年庚戌二歲

祥符四年辛亥三歲

祥符五年壬子四歲

祥符六年癸丑五歲

祥符七年甲寅六歲

祥符八年乙卯七歲

按先生見蘇祠部書云六七歲時調聲韻習字書
勉勉不忘則知先生一二年間知向學矣蘇祠部

祥符九年丙辰八歲

天禧元年丁巳九歲

天禧二年戊午十歲

按先生見余監丞書云十歲知聲律則知先生於
是年知習舉業矣余監丞時為南賊卒

天禧三年己未十一歲

按先生作疑仙賦序云吾母無子偏禱無不至祥
符元年夢二道士奕棋於戶外往觀之其一取一
子投焉遂娠又云生十餘歲從先父適田間宿東
郊夢人以書標與之曰王狀元文集夢中以為沂

公之文也既而就學東不甚魯或時閒卷慨然憶

念謂曾讀此書再思之未嘗見也詳此二夢則知

天生賢指以壽斯文之氣脉豈偶然哉

天禧四年庚申十二歲

按先生見余監丞書云年十二近文章則知先生

於是年能文矣

天禧五年辛酉十三歲

乾興元年壬戌十四歲

是年丁府君憂按鄭夫人墓誌云年十四而先君

沒又云先君嘗學不應舉故其子作詩賦亦樂施

惠尤直信則知先生家學有派委矣

仁宗皇帝天聖元年癸亥十五歲

天聖二年甲子十六歲

天聖三年乙丑十七歲

是年府君服除按鄭夫人墓誌云稍出游求師友

則知先生出游必在府君服除之後

天聖四年丙寅十八歲

天聖五年丁卯十九歲

天聖六年戊辰二十歲

天聖七年己巳二十一歲

天聖八年庚午二十二歲

是年娶夫人陳氏按慶曆七年先生作夫人墓誌

云陳氏今為南城人生五年養于伯父又十一年

而嫁嫁十一年而卒又云復還舊居娶婦蓋先生

前此出游至是年始還家歟又有見余監丞書

云十歲知聲律十二近文章思慮猖狂耳目病困

者既十年矣此書當作於是年

天聖九年辛未二十三歲

是年著潛書十五篇 又有見孫寺丞書云年二

十三難鳴而起謫孔孟羣聖人之書纂成文章以

康國濟民為意文章蓋指潛書也

孫寺丞時為南城宰

明道元年壬申二十四歲

是年著禮論七篇其後余襄公有書與先生曰兩

示禮論七篇推進禮經準的世教派仁義贊刑政

豈止獨步江表校聲名於後俊哉先生之有功於

禮經也如此 又作陳仲溫進士墓誌

按陳仲溫諱球先生之伯丈也故墓誌序之末曰

初君之弟與其婦偕死息女始絕乳君愛養之如

己子長以嫁李氏

明道二年癸酉二十五歲

景祐元年甲戌二十六歲

是年有邵氏神祠記其畧曰建昌城北有民邵氏世奉五通禱祀之人日累什百景祐元年里中大疫而吾家與焉唯五通諗以無官疾之解去皆約日時有功於予其可廢而不載作記恐是此年

景祐二年乙亥二十七歲

按先生見蘇祠部書云由六七歲時調聲律習字書勉勉不忘逮于今茲年二十七矣此書當作於是年

景祐三年丙子二十八歲

是年修明堂定制圖并序 平土書 上鼎記注書

上李修撰書

上宋修撰書

太平院生持記

冬至夜酒醒詩

甘露亭詩

按見鼎記注書云行年二十八矣當在是年見李修撰書云生平為文謹掇二十四篇寫成一冊及明堂定制圖一道并序草具其副辱諸侍者見宋修撰書云嘗著明堂定制圖并序其意在替明經義以裨益一王之盛禮謹繕其副陳諸座隅則明堂圖之作亦在是年也獨平土書不著所作歲月

然先生明年見范公而范公他日薦先生必以禮

論易論明堂定制圖平土書共獻必同作於此一

二年之間 張宗古送先生南歸序其畧曰自周

室距今曠千餘載典禮廢絕所以學者各是已見競

牽師習故復出泰伯以明其本蓋指明堂圖也

是年入京賢見宋修撰李修撰鼎記注葉集賢諸

公皆許可宋公庠李公淑鼎公冠卿葉公清臣也

會貢舉罷遂歸

景祐四年丁丑二十九歲

是年往鄱陽見范文正公其書云年二十九嘗遊

京邑彷徨而歸又黜鄉舉其後范公與先生書云

在鄱陽勞惠訪尋以改郡不敢奉邀則知先生是

年鄉舉不利而往鄱陽訪范公也

寶元元年戊寅三十歲

是年作廣潛書十五篇 命箴 野記 鄧公儀

傷辭 綠縑師詩 惜雜詩

按廣潛書自序云歲辛未泰伯以替名書後七年

羈栖山巖即而廣之復為十五篇則此書當作於

是年命箴云三十曰壯聖人以立則此箴亦當作

於是年廣潛書云羈栖山巖則野記亦作於是年

寶元二年己卯三十一歲

是年先生夢大雨震所居室有一人紮衣而冠謂之雷神呼先生使前授之題曰春社詞機筆得八句與之及覺記其首三句頗怪艱後七年以五句足之按此夢與疑仙序二夢而三一為誕彌厥月之祥二為神授斯文之印天生賢哲豈虛其證是三夢皆可書 富國疆兵安民三十策按先生以

康定二年試制科則此策必作於是年

康定元年庚辰三十二歲

是年得舅參魯 有上江職方書 又往越州赴范高平公招故有登越山詩按丁亥年先生作已室墓誌云一男參魯僅毀齒蓋自庚辰至丁亥凡八年故曰僅毀齒也

按先生上江職方書云行年三十餘近訪吳越而婦曰三十餘則當在是年曰訪吳越而婦則訪范公也 江公錫實元元年以職方守府

康定二年十一月改慶曆元年辛巳三十三歲

是年作建昌軍集賢亭記 修麻姑殿記 麻姑山仙都觀修三清殿記 梓山院修佛殿記 上吳舍人王內翰富舍人劉集賢慎殿承書

日出詩 感事詩 和慎史君出城見梅詩

按集賢亭記序曰康定二年夏六月太守慎公作新亭于軍門之南孟秋告成郡人李觀為記三清殿及麻姑殿記皆是康定年號梓山佛殿記亦云康定二年秋九月則是數記皆作於康定未改元之前也上慎殿承書蓋慎公欲其時以殿中丞守

肝江此書當作於未入京之先

上吳舍人王內翰富舍人劉集賢書蓋吳公商王公堯臣富公弼劉公敞其時皆居朝此書當作於入京之日然是年郡舉先生應茂材異等科有旨召試故入京上諸公書又寄祖秘丞 無擇詩摩序應科本末則云憂愁經歲是先生留京一年也

慶曆二年壬午三十四歲

是年先生試制科得召第一長沙蕭注與先生書云昨偕弟吳來舉於京師問足下應賢良預第一召試未有不心思目願欲識其面者 秋七月試制科不第婦過南康見郡守祖秘丞

按皇祐類稿與祖秘丞詩云及過廬山南間君初布治又曰高會雖暫歡故園當速至是先生留康廬日淺而婦興濃矣

是年又有寄小兒詩

與章望之秘校書

麻姑山賦

惜才詩

按寄小兒詩注云此兒纔三歲蓋庚辰得男至壬午恰三歲送余疇若序寄周寺丞詩蓋周燮以是

年宰南豐請余疇若南豐主學故先生以序送其

行楊屯田其時守筠州故有書與之麻姑山賦乃

述高臺層瑤繚垣紫粉之美必是修麻姑殿後所

作當在是年送侯殿直詩曾得滁州在故鄉按國

史歐公以慶曆二年知滁州此詩之作亦當在是

年也惜才詩恐亦是作於下第之後

慶曆三年癸未三十五歲

是年集退居類稿十二卷

作周禮致太平論三十篇

雪中贈柳枝及柳枝荅詩

送錢寺丞知白州詩

上蔡學士詩

按先生集所為文名退居類稿云自弱冠迄今十

五歲得草稿二百三十五首類為十二卷是年冬

送余疇若序

與楊屯田書

寄周寺丞詩

送侯殿直知吉州詩

按寄小兒詩注云此兒纔三歲蓋庚辰得男至壬午恰三歲送余疇若序寄周寺丞詩蓋周燮以是

年宰南豐請余疇若南豐主學故先生以序送其

行楊屯田其時守筠州故有書與之麻姑山賦乃

述高臺層瑤繚垣紫粉之美必是修麻姑殿後所

作當在是年送侯殿直詩曾得滁州在故鄉按國

史歐公以慶曆二年知滁州此詩之作亦當在是

年也惜才詩恐亦是作於下第之後

慶曆三年癸未三十五歲

是年集退居類稿十二卷

作周禮致太平論三十篇

雪中贈柳枝及柳枝荅詩

送錢寺丞知白州詩

上蔡學士詩

按先生集所為文名退居類稿云自弱冠迄今十

五歲得草稿二百三十五首類為十二卷是年冬

至日南康守祖無擇為先生作序則知先生是年

下第退居既集退居類稿又有周禮致太平論焉

其後陳次公述先生墓誌云及退居為周禮致太

平論并序則實作於是年也上蔡學士書言鄒

子房事蓋蔡公以慶曆三年為諫官此書亦作於

是年周寺丞燮時為南豐宰錢寺丞得臣時以

南城宰知白州故先生有詩送之勤又寄祖秘丞

詩云郡守方仁賢學宮盛修理踵門致勤恪命我

談經藝余襄公薦章云下第退居四方生徒從之

講習鄧溫伯云慶曆三年南城始詔立學先生為

之師四方來學嘗數百人則知先生以是年退居

于家故郡守請主學事柳枝詩蓋因是年二月

入京遇雪而作也

是年中女生按丁亥年先生作陳夫人墓誌云中

女五歲其少未免懷蓋中女之生在是年也

先生作周禮致太平論三十篇而內治七篇居其

首其畧曰內宰以陰禮教六宮六宮后也又以陰

禮教九嬪九嬪掌婦學之法以教九御后尊也不

得不受教女御卑也而教亦及之是在王宮者不

可不知禮也余按此篇三數成王周公致太平之

書其精神心術盡在於是使先生之志獲行如有用我執此以往豈特王河汾能言之惜夫其不果也

先生作慶曆民言三十篇開諱而下言言藥石字字規戒先生斯時無官守言責以露稷粢一二年間杜富韓范歐余王蔡君明臣忠三陽道泰公既不能為三諫之詩以効君謨又不能為灋臺之頌以効石介雖在獻賦倦倦忠赤不能自已作為此篇天子聖明務美博採持此上聞言者無罪四十二年之治實嘉穎之故祖無擇曰真醫國之書爾慶曆四年甲申三十六歲

是年上富公范公書

作麻姑山真君殿記

李子高墓表

陳伯英墓表

寄祖秘丞書

除夜感懷詩

南塘觀魚詩

二詩並次陳殿丞贈韻

按上富范書蓋獻慶曆民言及言國事故也

李子高墓表云卒於慶曆四年則墓表想亦作於是年

陳伯英墓表云吾嘗銘陳仲溫之葬其子煥公字伯英後十二年而死又從而表之仲溫乃先生之伯文伯英乃郎舅也仲溫之葬在壬申年伯英以

甲申年死故曰後十二年則墓表亦當作於是也寄祖秘丞書云教道亦難行徒以鈞積毀篋書歸散廬庠門任蕪穢先生此言蓋因上蔡學士書言鄉子房事鄉因誣織先生同入郡國其事既白先生乃棄學事而復家居也

慶曆五年乙酉三十七歲

是年有與胡安定書

寄祖秘丞詩

南城縣廳記

慶士陳君墓誌銘及祭文

白石暹師塔銘

按與安定書云康定初錢塘別後二年自京師歸中途曾寓書今又四年則此書當作於是年

是年余襄公薦先生于朝其章畧曰李觀博學通識包括古今潛心著書研極治亂江南儒士共所師法

閩中名士黃通以書與范文正公曰李觀生聖時三十七年也其德行文學其智識材術疑三代英靈復生子今大江而南皆呼曰先生豈應詔來都下今副樞富公諫省歐陽公徽徵余正言三班田紫微淮南祖提刑皆當世之名儒莫不競造其門而優禮之若吾公者知泰伯為最深惟其知之也深故嘗有論薦泰伯之心

慶曆六年丙戌三十八歲

是年作長江賦

集皇祐續稿作序

足成夢中春社詩

上王刑部書

次王刑部遊麻姑詩

及唱和詩序

傳代言墓表

按先生乙未年再上富公書云慶曆四年以書言

南方事後二年作長江賦則此賦當作於是年

王刑部乃漕使遠也 是年游信州作弋陽縣學銘

聞女子瘡寄詩 弋陽縣堂北見夾竹桃海棠二詩

題靈陽宮龜峯精舍葛陂懷古詩 逢何道士詩

按先生皇祐三年作新成院記云前此予婦自信

又云既去五六年自此年至皇祐三年約五六年

則游信必在是年若銘若詩皆作於在信之時也

慶曆七年丁亥三十九歲

是年作禮論後語 刪定劉牧易圖序

宋屯田延平集序 亡室陳氏墓誌 處士饒君墓

建昌知軍廳記 景德寺重修大殿及造彌陀閣記

邵武軍學莊田記 小女詩 海南編集

題韓偓詩後

吞黃漢傑書

按禮論作於明道元年而後語云吾為禮論後十

五年有持章望之論一篇以吾為好怪則禮論後

語當作於是年刪定劉牧易圖序論見於宋屯

田書亦當作於是年 宋屯田延平集蓋因入閩

訪福帥蔡學士路經昭武而作也 宋屯田咸字貫

偓詩後因游閩而作 答黃漢傑書以漢傑貽書

言景德寺記及邵武軍學記言浮屠事故先生答

漢傑書云觀排浮屠固久於潛書於富國策人皆

見之矣豈年近四十而輒渝哉惟漢傑觀朕二記

不甚熟爾吾於此言乃責儒者之深非專浮屠也

先生言年近四十則此書當作於是年

是年夫人陳氏卒按陳次公述先生墓誌云再娶

饒氏不知娶於何年

慶曆八年戊子四十歲

是年中女子死有哭女詩云妻死女已病踰年成

二喪曰踰年者蓋去年陳夫人卒今年中女死也

冬十一月作建昌軍儀門記 太平寺浴室記

寄祖秘丞詩

皇祐元年己丑四十一歲

是年作宋中舍及江夫人墓碣銘 送李山甫詩

是年范文正公薦子朝其章畧曰李觀著書立言有孟軻楊雄之風義臣今取到本人所著禮論七篇明堂定制圖序一篇平土書三篇易論十三篇共二十四篇編為十卷繕寫上進乞賜御覽則知斯人之才之學非常儒也其人以母老不願仕乞就除一官許令便養

皇祐二年庚寅四十二歲

是年作周醫博墓表 迴向院記 謝官表

謝范咨政啓 怡山長慶寺詩

是年赴范文正公招于杭州范公再薦子朝其章曰去年錄進李觀所著十卷其明堂圖序一卷今朝廷行此大禮千載一時斯人學古之心上契聖作再錄上進乞加天獎以勸儒林旨授將仕郎太學助教誥詞云學業優議論正有立言之體且履行修正誠如薦登特以一命及爾其益進于道勿患朝廷之不知也

皇祐三年辛卯四十三歲

是年作廣文陳生墓銘 承天院記

麻姑山仙都觀御書閣記 新成院記

送知軍曹比部移之虔州詩

按肝志曹公觀以皇祐三年守肝此詩當作於是年是年丁母鄭夫人憂十二月葬于先府君墓東南隅實建昌鳳凰山之麓按墓誌云方謀扶親西遊夫人許之未及行而遭大故

皇祐四年壬辰四十四歲

是年集皇祐續稿八卷作序 刊行周禮致太平論十卷 上孫觀文書 酬陳屯田詩

按續稿序云行年四十四疾疹時發作其於文字間尚克有進也歟又云慶曆癸未錄退居稿後三年復出百餘篇當在是年上孫觀文書蓋是年僕志高寇虜而孫觀文仍持節討之先生寄書陳利害十事孫公吞書云示教民病非留心博愛何以及此 酬陳屯田詩云封豕長蛇戰嶺南蓋指僞寇也此詩亦當作於是年

皇祐五年癸巳四十五歲

是年著常語上中下三卷 承天院羅漢閣記

栢林溫氏書樓記 傳進士墓銘

皇祐六年甲午四月改至和元年四十六歲

是年除鄭夫人服 作常語後序 素州學記

清話堂詩

送嚴介序

聶夫人徐夫人張都官墓誌

素州雜詩三首

先生作素州學記河東柳湛書京兆章友直篆天下號為三絕其學記畧曰惟四代之學攷諸經可見天下治則擇禮樂以陶吾民一有不辛猶當仗大節為臣死忠為子死孝詳味斯言豈特為素州學校重且將為天下國家重故曰君子化民成俗其必由學乎素州雜詩都守祖無釋甘賡其韻清語堂詩蓋與周伯達宿景德寺而作其詩云無限中心不平事一宵清話又成空遂目其處為清話堂且題八句云

至和二年乙未四十七歲

是年寄富公書并長江賦一首皆論東南利害

寄祖松丞詩送春二絕送陳司理序

江屯田墓誌陳都官墓碣銘

鄒夫人墓誌銘鄭助教母陳氏墓銘

陳府君夫人聶氏墓銘

至和三年丙申九月改嘉祐元年四十八歲

是年有鉛山縣尉陳君墓銘

嘉祐二年丁酉四十九歲

是年國子監奏乞差太學助教李觀充太學說書

旨令赴太學供職按奏劄云雖因名儒論薦命試一官未沾政祿而養道丘壑欲望朝廷差充太學說書冀有裨庠序風化

嘉祐三年戊戌五十歲

是年除通州海門主簿太學說書作太學議篇景德寺修院記

按語詞云尔醇明茂美通于經術東南士人推以為冠自佐學政逾年于茲孜孜渠渠務恪厥守祭酒司業以為博士之職莫宜於尔可特授通州海門縣主簿及學說書如故旨令詳究太學制度政有學議

嘉祐四年己亥五十一歲

是年權同管勾太學蓋因胡瑗以病告假故有斯命尋以祖母未祔先塋請假歸還育給假一月先生遂歸八月卒于家十二月附葬于鳳凰山府君之塋按陳次公作先生墓誌云臨終無他言惟執次公手以明堂圖為託三禮未成為恨是先生又作三禮論未成而絕筆也

直講李先生年譜終

直講李先生文集總目

卷第一

賦

長江賦

麻姑山賦

疑仙賦 并序

卷第二

禮論七篇 并序 禮論後語附

禮論第一

禮論第二

禮論第三

禮論第四

禮論第五

禮論第六

禮論第七

禮論後語

卷第三

易論十三篇

易論第一

易論第二

易論第三

易論第四

易論第五

易論第六

易論第七

易論第八

易論第九

易論第十

易論第十一

易論第十二

易論第十三

卷第四

剛定易圖序論

論一

論二

論三

論四

論五

論六

卷第五

周禮致太平論五十一篇 并序

內治第一

內治第二

內治第三

內治第四

內治第五

內治第六

內治第七

卷第六

國用第一

國用第二

國用第三

國用第四

國用第五

卷第七

國用第六

國用第七

國用第八

國用第九

國用第十

卷第八

國用第十一

國用第十二

國用第十三

國用第十四

國用第十五

國用第十六

卷第九

軍衛第一

軍衛第二

軍衛第三

軍衛第四

卷第十

刑禁第一

刑禁第二

刑禁第三

刑禁第四

刑禁第五

刑禁第六